

اوعى تبقى موسمي في عبادة الله " صحح نيتك " ! | #اليوم_التربوي | د . حازم شومان

حازم شومان

الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله واليك يرجع الامر كله.

اللهم صل على عبدك ونبيك محمد صلى الله عليه وسلم. في الاولين والآخرين - 00:00:00

الى يوم الدين. اما بعد اخواني واحبابي في الله يعني بادئ في بدء فانا آآ يعني بصراحة يعني. سبحان الله انا عايز افتح على صورة الزمر وفتحت على صورة الزمر. كرامات يا ابني فيه ولي بصنا يا جماعة فيه حد وسطنا هنا من اولياء الله الصالحين -

00:00:20

يعني الحقيقة اخواني بس انا عايز اقول في الاول اه ان يعني انا حزين ان ان احنا واحنا قاعدين في الجلسة اللي في الاول ديت

الجلسة بتتصور. يعني مش بقول لاخوانا ما يصوروش انا مش قصدي كده. بس انا بقول لكم فعلا اه - 00:00:40

اه اه ان انا حزين ان الجلسة دي تصور لان دي جلسة ايمانية. المفروض ان احنا نقعد مع بعض بقى بالراحة نمسك الكلمتين اللي احنا

عايزين نفهمهم النهاردة مع بعض ان شاء الله - 00:01:00

بالراحة خالص. ولكن يعني كل ما الواحد يبجي يقول لأ الجلسات ديت ما تتصورش قبل كده. الواحد بيفتكر ان فعلا فيه ناس بتنتفع

في دينها بسبب تصوير هذا الكلام وان في ناس شغالة في الدعوة الى الله في بلاد تانية. ده غير ان اخ كمان ينتفع في دينه. ان في

ناس شغالة في الدعوة الى الله في بلاد تانية. لما تعرف - 00:01:10

مسلا ان اتعمل يوم تربوي استعدادا لعشر ذي الحجة في المنصورة. يقوموا هم يعملوا ايه في المحافظات التانية؟ يعملوا ايام تربوية

استعداد لعشر ذي الحجة. فانت ايه يعني آآ يعني يعني نصاح نوايانا كده ان الموضوع من باب نشر الخير والا فالواحد يعني ايه مش

مش ده الجو اللي الواحد متعود عليه في الجلسات الايمانية جلسات - 00:01:30

عايزة جو هدوء وجو سكية كده فمعلش يعني ايه انا وانتم آآ يعني نيجي على قلبنا شوية آآ ونايه يعني ونتحمل مسألة التصوير

في بعض الاعمال اللي احنا يعني بنبقى مش عايزين تصوير فيها. وعايزين خصوصية كده وتركيز ايماني فيها. احتسابا على الله نية

افادة اخوانا. بحيس ان انا - 00:01:50

وانتم باذن الله نفوز بالثواب ده. نية نشر الخير ونية نشر الهداية. النهاردة باذن الله اليوم التربوي الثاني استعدادا لعشر ذي الحجة.

باذن الله سبحانه وتعالى. الليلة تربوية الاولى كانت في مسجد الصفطاوي من يومين. النهاردة اليوم التربوي الثاني. المفروض ان ان

شاء الله في جلسة لنا مع بعض ايمانية ان شاء الله. بعد كده بقى ايه آآ هيبقى فيه زي عواميد - 00:02:10

اخوي كده ان شاء الله باذن الله. آآ وبعد كده آآ دكتور غريب هيجي لنا ان شاء الله بعد المغرب يدينا درس. وبعد العشاء ان شاء الله

ممکن ببقى لنا مع بعض - 00:02:30

برضو تانية صغيرة كده وبعد كده يا اما نصلي ركعتين يا اما نطلق باذن الله لحال سبيلنا. آآ الجلسة النهاردة تبقى عندها يا جماعة.

يعني لا صوت يعلو فوق صوت المعركة. احنا دلوقتي داخلين على عشر ذي الحجة. عشر ذي الحجة امبارح راكب تاكسي ورايح ادي

درس في حيطة منطقة من مناطق المنصورة. فالراجل مشغل - 00:02:40

بصوت اه عالي اجي اكلمه يقول لي يا عم الشيخ المهم القلب والمهم النية ومش عارف ايه فبدأت اتكلم معه عن عشر ذي الحجة

فبقول له ده ثواب الحسنة بسبعميت ضعف. وابن عباس بيقول ان ثواب الحسنة بسبعميت ضعف. يعني ثواب صفحة قرآن اعلی من ثواب ختمة قرآن. الراجل حسيت ان هو - [00:03:00](#)

ايه ده! ده الواحد ممكن يدخل الجنة بالعشر تيام دول بس. ده احنا ده انا اول ما هانزلك هاروح هاغير البتاعة دي من عند بتاع كمبيوتر واخليه يحمل لي حاجات دينية. والواحد ان شاء الله بازن الله العشر تيام دول لازم يفوقوا. لقيت الراجل اتغير. مجرد انه عرف فضائل هذا العمل وفضائل - [00:03:20](#)

الايام فلا صوت يعلو فوق صوت العشر الان. لا صوت يعلو فوق صوت العشر الان اللي هو عبادة ربنا سبحانه وتعالى في هذه الايام الفاضلة العظيمة اللي هي افضل ايام الدنيا عند الله سبحانه وتعالى افضل ايام الدنيا ايام العشر. عايزين النهاردة نتكلم عليه. احنا اتكلمنا في يوم الحد - [00:03:40](#)

اللي فات في الدرس الاسبوعي عن ايه؟ عقد العمل اللي مستنينا في العشر تيام وايه الارباح اللي هناخدنا لو عبدنا ربنا في هذه الايام؟ وايه الخسائر اللي هنخسرنا لو - [00:04:00](#)

ما عبدناش ربنا في هذه الايام. اتكلمنا في اليوم التربوي برضو الليلة التربوية اللي فاتت عن عشر ذي الحجة. احنا كل ده يا جماعة اتكلمنا عن العمل. لسة ما اتكلمناش عن ايه! ها - [00:04:10](#)

عن الايه؟ ما هو سواب ايه بقى؟ كلمني عن ثواب العمل. لسه ما اتكلمناش عن ايه؟ النية النية اللي هي اهم من العمل نفسه. نيتك في هذه الايام. واعظم سورتين بيتكلموا عن النية. سورة - [00:04:20](#)

اللي بتقول لك وحد وجهتك في الحياة وسورة الاخلاص. سورة الاخلاص اللي هي سطر واحد ركزوا معي بقى يا اخواني. لان احنا هنتكلم الوقتي في قضية نية في عشر ذي الحجة يعني ايه النية؟ يعني ازاى تصحح نيتك؟ يعني ايه اصحح نيتي؟ يعني اوعى اوعى انك بتبقى بتعبد ربنا بنية - [00:04:40](#)

موسم وهيعدني هشد حيلي في الموسم واخذ الحسنات بتاعته ويعدي. اوعى تعبد ربنا بنية العبادة الموسمية اوعى تبقى موسمي هعبد ربنا وبعد كده اعيش حياتي عادي او ارجع للكسل والتواني. انت تعبد ربنا بنية ان انا - [00:05:00](#)

يا رب من النهاردة هعبدك في العشرة دي وهستقيم على عبادتك طول حياتي. لان الموضوع زي ما هنقول الوقتي يا جماعة موضوع خطير جدا. موضوع في غاية الخطورة سورة الزمر بتكلمك عن نوعين من الناس. واحد مع ربنا على طول ركزوا بقى في الكلام ده عشان ناخذ مفهوم - [00:05:20](#)

من اخطر المفاهيم اللي في حياتنا. الاخ اللي ما بيقومش ليل غير ايام الامتحانات. الاخ اللي ما بيحافظش على الصلاة والخشوع غير لما يكون مريض او مزنوق او داخل يعمل عملية او واقع في كرب او مشكلة. الاخ اللي ما يعرفش او الاخت اللي ما تعرفش. او المسلم او المسلمة. اللي ما يعرفش - [00:05:40](#)

الالتزام اللي بحق وحقيقي وما يعرفش غض البصر. وما يعرفش البعد عن الحرام. غير لما يبقى مزنوق ومحتاج ربنا. او فموسم الامتحانات يعدي اول ما الازمة تعدي اول ما المشكلة تعدي يرجع انسان عادي. مش هاقول لك ارجع انسان عاصي. يرجع انسان عادي - [00:06:00](#)

ما بيعبدش اهو ده واحد موسمي. ما بيعبدش ربنا غير ساعة الزنقة. فيه واحد تاني موسمي بقى ما بيعبدش ربنا ساعة الزنقة. وقت ما تضيق عليه يجزع والعياذ بالله يسيء الظن بالله. ما بيعبدش ربنا غير وهي رايقة. غير وهي صافية. غير وهي محلوية. ما بيعبدش ربنا غير والدنيا رايقة معه - [00:06:20](#)

لو الدنيا حصل فيها مشاكل ما بيعبدش ربنا. النموذج ده شف ربنا سبحانه وتعالى بيقول لك ايه. واذا مس الانسان ضر ضريبة حنكير هنا يعني ايه؟ اي ضر بقى. واذا مس الانسان ضر دعا دعا ربه منيبا اليه. منيب - [00:06:40](#)

اللي هو التزم بقى. انا تبنت اليك يا رب. ما عدتش اتفرج على حاجة حرام. انا يا رب اول ما اسمع الاذان هانزل اصلي. وتلاقي الاخ ما شاء الله ايه - [00:07:00](#)

حياته يا جماعة الكلام ده لنا. الكلام ده للملتزمين لان ده حال الملتزمين اصلا. واذا مس الانسان ضر دعا ربه منيبا اليه سلام دعا ربه منيبا اليه دي لو اتشالت من الاية واتحطت كلمة كده في محراب مسجد وانت داخل تشوف كده دعا ربه منيبا اليه قلبك ينور -

00:07:10

تقول مين المؤمن ده؟ مين المعدي ده؟ مين الشخص الرباني ده؟ دعا ربه منيبا اليه. يعني شف ربنا بيوصفه ساعة اللازمة ايه ايام الامتحانات ايه؟ ايام المرض او الابتلاء او المشاكل ايه؟ دعا ربه منيبا اليه. ثم - 00:07:30

سم دي بقى ايه؟ اتقلب بقى. اذا خوله نعمة منه. ده الفرج اللي حصل له ده نمى من ربنا نسي اكان يدعو اليه من قبل؟ اتقلب انسان تاني. بقى انسان تاني. يبقى ده الانسان انتم عارفين ده يا جماعة - 00:07:50

اللي ما يعبدش ربنا غير وقت الزنقة ده عامل زي ايه؟ ربنا عنده زي مدير الشغل بتاعه. ربنا عنده زي دكتور الماده بتاعه. ربنا عنده زي قريبه اللوا قريبه العميد او قريبه العقيد. هو ما فيش فرق عنده بين ربنا وبين اي حد هيقتضي له مصلحته. فهو ساعة ما يحتاج مصلحة ما حدش يعرف يقدره يقوم رايح - 00:08:10

لربنا يا رب انا تبت اليك يا رب. ربنا قضاها له ويروح يشوف غيره بقى. خلاص ده ده ما عندوش فرق المصلحة اتقضت من السما ولا المصلحة واحد اللي هو قريبه خلصها له ولا المصلحة مدير الشغل مضى له عليها ده ما عندوش فرق. ده ده قضيته المصلحة فهذا لا يعبد الله وانما يعبد - 00:08:30

ها المصلحة ده بيعبد مصلحته ده مش بيعبد ربنا. عشان كده والعياذ بالله ده بيبقى عامل زي الكلب اللي قضيته في العضة مش فارقة بقى اللي رمى له العضة مسلم. اللي رمى له العضة كافر. اللي رمى له العضة راجل. اللي رمى له العضة ست. اللي رمى له العضة - 00:08:50

فرماها له وهو بيشتمه. اللي رمى له العضة رماها له وهو بيحبه. مش فارقة. المهم العضة. المهم العضة. عشان كده دول شف ربنا قال عليهم في اخر السورة ايه وسيق الذين كفروا الى جهنم ايه؟ زمرا. زمرا مع المؤمنين غير زمرا مع الكافرين في السورة. زمرا مع الكافرين من معاني - 00:09:10

الزمارة الزمارة دي حاجة بتتحط في رقبة الكلب. في لسان العرب لابن منظور. يقول لك الزمارة دي حاجة بتتحط في رقبة الكلب. يعني بيلق حاجه يعني يتعلم بها الكلب. حاجة في رقبة الكلاب. عشان كده يعني يعني آآ يعني حسبنا الله ونعم الوكيل يعني - 00:09:30

حسبنا الله ونعم الوكيل في الزالمين كلهم. الحجاج ابن يوسف السقفي لما قبض على سعيد ابن جبير حط له حط له الزمارة دي في رقبته. امعانا في ذل الصالحين وامعانا في التجبر والافتراء على الصالحين. ولكن هو مين؟ هو قتل سعيد ابن جبير في شعبان وهو مات وقبض في رمضان. بعدها - 00:09:50

ايام وكان يقول ما لي ولسعيد. المهم فا الزمارة دي تتحط في رقبة الكلب. فربنا سبحانه وتعالى كأن معنى ان الضلال دول بيساقوا الى جهنم كالكلاب. دول كلاب جهنم. كلاب جهنم. الله - 00:10:10

الراجل ده ربنا بيقول عليه في اول السورة دعا ربه منيبا اليه. يا ابني ده موسمي. يا حبيبي ده ساعة المصلحة. يا حبيبي ده ساعة ما احتاج بعدها ولا كانه كان البني ادم ده خالص. عشان كده يا اخواني الوقفة اللي هنقفها النهاردة مع النية - 00:10:30

اوعى تبقى موسمي في عبادة الله. اوعى تبقى في العبادة رمضان بتاع عشر زي الحجة خلاص يعني انا هنا بقول لك ايه انوي من الوقتي انك هتعبد ربنا سبحانه وتعالى في العشر وايه وبعد العشر ان الموضوع مش مواسم وخالص - 00:10:50

يعني الراجل امبارح بتاع التاكسي هو لسة يعني في الاول يعني فيقول ده الواحد يدخل بهم الجنة. قلت له ماشي بس يعني ده ايه ده الراجل ده في الاول خالص. انما - 00:11:10

مفروض انك تفهم ان لا انا مش باعبد ربنا في موسم. وابطل باقي المواسم. انا مش اوعى تبقى موسمي. اوعى تبقى من اللي بيعبدوا ربنا ساعة اللازمة او ساعة ما يحتاج ربنا بس. اوعى تبقى من اللي بيعبدوا ربنا ساعة ما بتحلو بس. والا يسخط على الله. اوعى تبقى

من الموسمين - 00:11:20

في العبادة اللي ما يعرفش القيام والصيام وجلسات الضحى وقراية القرآن الا ساعة ايه؟ الا ساعة المواسم بس وخلاص دي نقطة مهمة جدا يا جماعة. تصحيح النية. عشان كده يعني سبحانه الله العظيم سورة الزمر جايبة لك نوعين - 00:11:40
عين من الناس وجايبة لك مسيرة حياة ده ومسيرة حياة ده. وواحدة لك اللاتنين لحد ما ده دخل النار وده دخل الجنة يعني اخر سورة الزمر جايبة لك اللاتنين يوم القيامة. لحد ما ده واقف على باب النار وده واقف على باب الجنة. ها سقى الذين كفروا - 00:12:00
الى جهنم ايه؟ زمرة حتى اذا ايه؟ جاؤوها فتحت ابوابها. وقال لهم خزنتها. يبقى اخر مشهد في الصورة على باب باب جهنم وابواب الجنة الجهنم السبعة بتتفتح لهم. والعياذ بالله الى جهنم ايه؟ حتى اذا جاءوها فتحت ابوابها. كل الابواب - 00:12:20
دول الناس اللي بياخدوا جميع اصناف العذاب في النار. وبرضه اهل الجنة وقفت الصورة عند وهم ايه لسه داخلين الجنة. سيق الذين اتقوا الى جنتي زمرة حتى اذا جاؤوها وفتحت ابوابها. وقال لهم خزنتها. سلام عليكم طبتم فادخلوها خالدين وتقف الصورة هنا -

00:12:40

انما الصورة برضه قبل النهاية جابت لك دول بعد ما دخلوا النار ودول بعد ما دخلوا الجنة. فبتقول لك ايه؟ قل ان الخاسرين دينا خسروا انفسهم واهليهم يوم القيامة. اللي ما وحدوش وجهتهم على الله. اللي ما كانوا مخلصين. اللي حياتهم ما كانش لها وجهة -

00:13:00

واحدة وجهته في رمضان والعاشر غير وجهته باقي الايام. وجهته في الابتلاء غير وجهته في السراء. وجهته بتتبدل من يوم ليوم فربنا بيقول لك اللي وجهته بتتبدل ده. الا ذلك والخسران المبين. شف ربنا بيقول لك ايه لهم من فوقهم - 00:13:20
ظلال من النار ومن ايه؟ ومن تحتهم ظلال. يعني ايه؟ يعني العذاب جاي له من كل جهة. طب ليه العذاب جاي له من كل جهة؟ لان وفي الدنيا ما كانش له جهة. في الدنيا ما كانش له وجهة. في الدنيا كان اي وجهة هياخد منها العضة اي - 00:13:40
حد هيدي له العضة يهز له ديله. اي حد هيقتضي له المصلحة يقف على بابه. في الدنيا ما كانتش وجهته بس هو الله. في الدنيا ما كانتش وجهات عشان كده سبحانه الله العظيم لما اقرأ في سورة الاخلاص ربنا يقول لك ايه قل هو الله ايه احد عارف يعني ايه الله

احد - 00:14:00

يعني ما لكش غاية في الحياة غيره. احد احد في مشيئته. احد في قدره. احد في ارادته. احد في زهق في وجوده الله احد. يعني ما لكش غاية في الحياة غيره. سورة الاخلاص دي صورة ضرب نار. بتضرب النار على كل ما سوى الله في قلبك - 00:14:20
ضرب نار. الله الصمد. يعني الذي يصمد اليه في الحوائج. يعني ايه؟ يعني ما لكش وسيلة في الحياة غيره. يبقى الله احد ما لكش غاية في الحياة غيره. شف قلبك بتتوحد وجهته ازاى. الله الصمد يعني ما لكش وسيلة في الحياة غيره. يعني - 00:14:40
صورة ضرب نار سبحانه الله! كنت من شوية باجهز في يعني بان ربنا اعان ان ربنا اعان ان شاء الله دورة تربوية بتاعة الذكر اللي هحاول اديها ان شاء الله في عشر زي الحجة ان شاء الله - 00:15:00

بازن الله آآ في المسجد بقى اللي الواحد هيقعد فيه ان شاء الله بازن الله. فكنت في كلمة الله اكبر حسيت ان كلمة الله اكبر دي صدمة كهربية كده. عشان كده بين كل حركة والثانية في الصلاة الله اكبر. الله اكبر. اول ما قلبك يبص لحاجة في الدنيا بتبص على ايه؟ الله - 00:15:10

اكبر الله اعظم الله اجل. الله اعلى. تحس ان آآ يعني حساسية احساس عارف اللي رايح العربية يزيبط زواياها عشان العربية تمشي في اتجاه واحد ما تملش يمين ولا شمال. الله اكبر دي بتزيبط زواياك. يعني بتخليك خلاص. كل ما تيجي الوجهة بتاعتك تحود وتبص لحاجة عظيمة - 00:15:30

او تفتكر في الصلاة حاجة تعظمها. او تفتكر مشوار مهم في الصلاة. الله اكبر. ربنا اكبر من كل شيء. تقوم الكلمة تايه؟ كانها صدمة كهربية. كانها صدمة كهربائي كهربائي للايه؟ للقلب. فقل هو الله احد ما لكش وجهة ولا غاية في الحياة غيره - 00:15:50
الله الصمد ما لكش وسيلة في الحياة غيره. عشان كده كثير من السلف كان يعظم اوي اسم الله الواحد الصمد. قوي يعني تلاقي بالزات

في كتب المتصوفة تلاقي الاحد الصمد ده محور حياتهم ليه ؟ لانه اسم وحد لك غاية حياتك واسم وحد لك - [00:16:10](#)
طريق وسيلة حياتك. بعد كده لم يلد ولم يولد. يعني ما فيش حد بينه وبين ربنا نسب صلة. ولم يكن له كفؤا كفوا احد يعني ما فيش حد بينه وبين ربنا ايه نسب صفة لم يلد ولم يولد ما فيش نسب صلة - [00:16:30](#)

ما بين حد وبين ربنا لم يكن له كفوا احد ما فيش نسب صفة بين حد وبين ربنا ضرب نار. النص الثاني ده ضرب نار. يعني كأن سورة يعني سبحانه الله العظيم. كأن سورة الاخلاص اول اية قل هو الله احد بتخليك تحس اني ما ليش غير - [00:16:50](#)
ما ليش غيره ان ما فيش غيره. ما فيش غيره احد ما فيش غيره. ما تفكرش. ما تربطش علاقة بينك وبين حد قبلك كل ما تشوف علاقتك بالاحد الاول ما فيش غيره. الله الصمد ما ليش غيره. ما ليش غيره. طب وباقي الكائنات لم يلد ولم يولد ولم يكن -

[00:17:10](#)

له كفوا احد. ما حدش بينه وبين ربنا لا نسب صلة ولا نسب صفة. انسى ضرب نار على كل ما سوى الله في القلب. حاجة كده عشان كده اسمها سورة الاخلاص عشان كده بطولة القرآن لانها بتحول قلب اللي يعيش معها ويفهمها لملكية خالصة لله. وهو ده اللي احنا عايزين نخرج به يا جماعة - [00:17:30](#)

انا مش عايز اخرج من عشر ذي الحجة بس ان انا عبت ربنا بس. انا عايز اخرج من عشر ذي الحجة ان وجهت حياة قامت ان انا بقى لي وجهة لحياتي. انا مش عايز عشر تيام يلا اسخن صل عشر تيام - [00:17:50](#)

بصوا هنعمل ايه بعد كده؟ هو فيه ايه ثاني؟ نرجع للكسل ثاني بقى. يبقى انت يبقى انت استفدت الاستفادة الصغرى وضيعت الاستفادة الكبرى. استفدت الاستفادة لايه؟ صغرى! افضل ايام الدنيا واليوم اللي بسبعميت آآ حسنة. والختمة اللي في سبعميت ختمة! وعرفات اللي - [00:18:10](#)

تكفير زنوب سنتين. الاستفادة الصغرى؟ اه. الاستفادة الصغرى. الاستفادة الصغرى من رمضان هو انك انت عملت العبادات وخذت السواب. امال الاستفادة الكبرى ان انت صحت نيتك فيه. ان انت صحت وجهة حياتك فيه. انك ما خرجتش - [00:18:30](#)
انه تايه انك خرجت منه غير ما دخلته. انك خرجت منه انسان فيه وجهة لحياتك. ما عادتش حياتك توهان ما عادش ليك كل ليلة بحال. ما عادش كل يوم بحال. بقيت انسان مستقيم. اللي بيعمل ده تصحيح - [00:18:50](#)

يا حنية. يبقى لو انت عبت ربنا في رمضان وما صحتش نية الاستقامة. ان انا مش موسمي. ان انا مش هعبد ربنا في الخبطة دي وبعد كده انام عليها. لو انت عبت وما صحتش ليه الاستقامة هتخرج من رمضان تايه. لو انت ما عبتش في عشر ذي الحجة وصحت ليه في الاستقامة؟ انما لو - [00:19:10](#)

انت صعدت نية الاستقامة كل اللي انت بتعمله هيبقى زقة لان انا هاسبت طول حياتي بقى ممكن مش على نفس الدرجة. طبعا مش هاقدر اعبد ربنا طول الايام بنفس الدرجة - [00:19:30](#)

ولكن انا هبقى مستقيم بعدها. مش هيبقى صفر في قيام الليل. صفر في جلسة الضحى. صفر في صيام النوافل. صفر في خاتمة القرآن. لا ما عادتش هتبقى كده بقى. هتبقى مستقيم. عشان كده شف بقى اللي نوع الوجهة بتاعته في الدنيا. اللي وقف على على باب ربنا زي ما وقف على باب غيره - [00:19:40](#)

في الآخر اللي وقف على كل الابواب لهم من فوقهم ذلل من النار ومن تحتهم ايه؟ ومن تحتهم ظلل العذاب جا له من كل جهة دي زي سورة الكهف كده. آآ وان يستغيثوا يغاثوا بماء كالمهل يشوي قال ايه؟ الوجوه. اشمعنى - [00:20:00](#)

الوجوه التي توجهت الى غير الله. اللي في الدنيا اتوجهت لغير ربنا. فبالزات الوجه كان غضب الله صب على الوجه اللي توجه الى غيره. طب مع المؤمن بقى اللي ما وقفش غير على باب ربنا. لكن الذين اتقوا ربهم لهم غرف - [00:20:20](#)

ها من فوقها غرف. النعيم جاي له من فوق ومن تحت. النعيم جاي له من كل جات ليه؟ لانه وحد الوجهة. يبقى اللي نوع وجهة حياته اللي فضل تايه ما بين الابواب. في النهاية اتعذب من كل الجهات - [00:20:40](#)

واللي وحد وجهة حياته جا له النعيم من كل الجهات. من كل الجهات. شفت الصورة جايبة لك. اللي قلبه وكان موحد وجهته على الله

واللي يا عيني عاش حياته وما لوش وجهة. يا عيني كل شوية واقف على باب. موسمي - 00:21:00

موسمي في علاقته باي حاجة في الحياة مش في علاقته برينا بس. لازم نخرج من عشر ذي الحجة بالمكسب الاعظم. وهو توحيد

الوجه على وهو استقامة القلب الى الله. كما قال تعالى فاستغفروه وايه؟ فاقول فصلت واستقيموا اليه - 00:21:20

فاستقيموا اليه واستغفروه وازواه. استقيموا اليه. انك انت بقى خلاص لك طريق يا ابني. انك انت خلاص عرفت طريق حياتك ما عدتش تتوه بقى. فربنا سبحانه وتعالى بيوصف لك الصالح اللي موحد وجهته في سورة الزمر وصف غريب جدا. يعني انا لو جبت لك

المشهد - 00:21:40

على باب الجنة وقلت لك تخيل ده حياته كان شكلها ايه؟ عمرك ما هتتخيل. لولا ان الصورة جابت حياته كان شكلها ايه؟ وسيق

الذين اتقوا الى الجنة ايه - 00:22:00

زمر حتى زمر بقى والاصوات بقى اصوات الاحتفالات المهيبة بهم. الملائكة واقفل له حاجة مهولة حتى اذا جاءوها وفتحت ابوابها

ابواب الجنة الثمانية تتفتح لهم ده دول اللي هينادوا من ابواب الجنة الثمانية - 00:22:10

يعني اذا سورة الزمر جاية اللي هينادو من ابواب النار السبعة واللي هينادو من ابواب الجنة الثمانية. سورة الزمر جاية نموزجين

نموزج اللي خسر كل حاجة ونموزج اللي كسب كل حاجة. اللي قلبه اتشتت في الاخر خسر كل حاجة - 00:22:30

واللي ركز في علاقته مع ربنا في الاخر كسب كل حاجة. فانا لما اجيب لك منزر واحد ابواب الجنة الثمانية بتنادي عليه. اقول لك

تخيل تخيل ده بقى كان في الدنيا شكله ايه! تقول في الدنيا! ده زمانه الوقتي مقطع سجاجيد الصلاة! ده زمانه يبصلي بالعشاء للفجر!

ده طب تعال بقى نشوف السورة جابت - 00:22:50

قصته من الاول ازاى؟ جابت لك قصته من الاول ازاى؟ اول مرحلة في قصة ذلك الرجل. قول الله سبحانه وتعالى خلق السماوات

والارض بالحق يكور الليل على النهار ويكور النهار على الليل. مشاهد الشروق والغروب والشمس والقمر اللي تخلع القلب - 00:23:11

اللي تخطف قلبك خلقتكم من نفس واحدة. كل الاربعة تلاف وخمسمية لغة ولكنة اللي على وجه الكرة الارضية دول كانوا بني ادم واحد.

ثم جعل منها زوجها انزل لكم من الانعام ثمانية ازواج. يخلقتكم في بطون امهاتكم. اما تقف قدام مدرسة اطفال عقلك يطير. كل العيال

دي كانت - 00:23:31

اوف وكل العيال دي بقت بني ادمين. الله اكبر! سبحان القادر! نعم القادر الله! يخلقتكم في بطون امهاتكم خلقا من بعد خلق في ايه

ظلمات ثلاث والله المسل الاعلى. لما اقول لك لو سمحت اصنع لي الالة ديت بس جوة اوضة ضلمة. ما انتش شايف فيها صابع ايدك

اصلا. تقول لي ازاى؟ والله المثل - 00:23:51

الاعلى ربنا بيخلق المعجزة البشرية ديت في ظلمات ثلاث. ذلكم الله. ربكم له الملك لا اله الا هو فاني ايه؟ فاني ايه؟ فاني تصرف ازاى

ان دي كلمة تعجب انا مش عارف اقول دي معناها ايه - 00:24:11

اما دي كلمة تعجب. اما غير كيف يعني ازاى انا بسأل عن حصل ازاى. انما ان دي حاجة لا لا يعقلها عقل بشر اما تصرفون بعد

الجلال ده كله وبرضه لسه الحول القلب شغال معك. وبرضه واقف على باب غيره ان - 00:24:41

المرحلة الاولى مرحلة انا تصرفون يقظة القلب. انك فقت ايه ده! ازاى الايات دي كلها! وازاي ربنا بالعظمة دي كلها وانا كده انا لازم

يبقى وجهة حياتي ربنا. انا لازم اغز السير الى الله. وكانت البداية في قول الله قل يا عبادي الذين - 00:25:01

الذين امنوا اتقوا ربكم للذين احسنوا في هذه الدنيا ايه؟ حسنة. بعض العلماء قال لك ان ده من باب ان ثواب الحسنة الحسنه بعدها.

يعني قال لك ان الراجل ده بدأ بحاجة واحدة بس صح عملها. بدأ يحضر - 00:25:21

بدأ يصلي الفرائض. بدأ بحاجة بدأ يطلع صدقات. بدأ يقرأ القرآن بحب بدأ بعمل واحد. كان مفتاح الدين كله بالنسبة له. انا ما اعرفش

الصوفية بقى يعلقوه معنا النهاردة ولا ايه؟ يعني الصوفية منهم قبورية ومنهم غير قبورية يعني وطبعا احنا - 00:25:41

عندنا منهج منهج السنة يعني ربنا يقيمنا على السنة. يعني الى ان نلقاه على سنة النبي صلى الله عليه وسلم. انما المعنى ده بعد

الصوفية لك. يقول لك ايه؟ يجيب الطالب اللي عنده يدي له تسعة وتسعين اسم مسلا ايه؟ في رواية الوليد ابن مسلم مسلا. اسماء

الحسنى. يقول له كل اسم قوله سبعين الف مرة - 00:26:01

ايه سبعين الف وكل كل اسم سبعين الف مرة. وبعد ما يخلصوا انت علاج يجي له. يقول له اكثر اسم علم في قلبك ايه ؟ فيقول له مسلا اللطيف قولوا سبعة مليون مرة. يعني قل له ده هيبقى مفتاح الدين بتاعك. انا ما ليش دعوة باللي هو بيعمله. انا انا بس باجيب لك ان ساعات بيبقى فيه - 00:26:21

هو عايز يدخله الطريق من عمل واحد؟ اعرض عليه الاعمال في الاول وبعد كده يقول له ايه ؟ اخترع عمل بيبقى هو المفتاح بتاع طريقك. ده يعني طبعا هذا كل هذا الكلام يعرض على القرآن والسنة وعلى فهم يعني القرون الثلاثة الاولى وعلى فهم العلماء. وبناء عليه هذا الكلام يقبل او يرفض - 00:26:41

انما انا بتكلم على نقطة ان الراحل ده بدأ بعمل صالح. عمله لربنا. الراحل ده بدأ بحاجة. يعني ايه العمل لربنا فتح قلبك له بيبقى بدايتك. فيه واحد اول ما التزم بر الوالدين. فيه واحد اول ما التزم صلة الرحم. فيه واحد صنائع المعروف والاسر الفقيرة -

00:27:01

المستشفيات. فيه واحد قيام الليل فيه واحد حفز القرآن. فيه واحد طلب العلم. فيه واحد الذكر. فيه واحد جلسة الضحى. فيه واحد اقامة الصلاة صلاة الفريضة. ايه الراحل ده بدأ بعمل يا جماعة. بدأ بحسنة. فكان ثواب الحسنة ايه - 00:27:21

الحسنة بعدها زي اللي بيشد حبل فيشد طرف يقوم بيجي الطرف اللي بعده يشد حطة تيجي الحطة اللي بعدها فدي البداية ان عمل اول قلبك يتفتح له وتخلص لله به. انا عايز اسأل بقى اللي قاعدين قدامي الوقتي دول. ايه اللي عمل ده في حياتك؟ ايه - 00:27:41
عمل اللي قلبك اتفتح له وهتدخل على باب الملك من هذا العمل؟ ما هو ربنا بيقول والذين جاهدوا فينا لنهدينهم ايه؟ سبلنا. فقال لك ليه ربنا قال سبلنا؟ ما قالش سبلنا؟ قال لك لو كان ما ربنا ما يرضيهوش غير حاجة واحدة. كان في ناس كتير قوي ما عرفتش

ترضي ربنا - 00:28:01

لو كان ربنا ما رضوش غير الصيام كان المريض ما عرفش يرضي ربنا. لو كان ربنا ما يرضيهوش غير القيام كان اللي طالع عينيه طول النهار في الشغل ما عرفش يرضي ربنا - 00:28:21

لو كان ربنا ما يرضيهوش غير الصدقة كان الفقير ما عرفش يرضي ربنا. فربنا فتح لنا ابواب كتير. انت لسة ببص النهاردة على اكتاب شعب الايمان كده بيقول الله اكبر. ايه الفتح ده؟ الكتاب ده مين اللي ربنا يفتح له في تنفيذه وتطبيقه؟ كل دي اعمال سالحة يا رب.

كثر خير الله وطاب - 00:28:31

فلنهدين. ربنا فتح لنا ابواب عبادات كتير. عشان اللي مش قادر يعمل حاجة يلاقي حاجة بيعملها. يلاقي حاجة يقدر عليها تلاقي حاجة تناسب زروفه. وعشان اللي يفوته موسم يلاقي موسم بعده اللي فاته رمضان يلاقي عشر ذي الحجة. وعشان اللي شهيته مفتوحة

للطاعة - 00:28:51

يلاقي حاجات كتير يرضي بها ربنا. يا رب كمان يا رب. انا عايز كمان. انا عايز اعمال كمان. انا عايز كريات كمان. فده البداية كانت وقفة اذ فاني تصرفون. البداية كانت جوة قلبك. انا تصرفون دي اتحققت في قلبك؟ دي البداية يا ابني. انا تصرفون دي جوة قلبك -

00:29:11

دي جواك ماشي كده تبص في السما وانت ماشي في الشارع وتبص للفاكهة اللي عند بتاع الفاكهة وتبص الخضار اللي عند بتاع الخضار واللحمة والفراخ اللي من نعم ربنا اللي عند بتاع انا بمشي والله يا جماعة في شارع الجلاء ده. بضرب كف الكف. الناس دي -

00:29:31

الي يمشي في شارع الجلاء ده المفروض يخر ساجدا لله. ابص كده الاقي محل فراخ. الفراخ دي مين اللي جابها؟ مش بتاعة مين؟ ربنا جنبه محل لحمة. اللحمة دي مين اللي خلقها لنا؟ انزل لكم من الانعام ثمانية ازواج. بتاعة مين؟ ربنا جنبه محل عصير قصب.

القصب ده مين اللي خلقه لنا؟ ربنا - 00:29:51

جنبه محل احزية. الجلد ده جلد الابكار ده مين اللي خلقه لنا؟ ربنا. جنبه محل فاكهة. ربنا. جنبه محل خضار. ربنا. جنبه محل البان

ربنا جنبه ايه ده! كل ده بفتكر قول الله واتاكم من كل ما سألتموه - [00:30:11](#)

كل ده من ربنا وانت قاعد تاكل ومش عايز تشكر وانت قاعد تاكل وتعصيه انى تصرفون بعد كل النعم دي ازاى قلبك يلتفت عنه. بعد كل الايات دي ازاى قلبك يلتفت عنه. يبقى دي البداية - [00:30:31](#)

انك وقفت مع نفسك انا وجهة قلبي هو انت يا رب. الخطوة الثانية للذين احسنوا في هذه الدنيا حسنة انك بدأت بعمل صالح قلبك افتتح له. عمل عمل زي قول الله في الاية اللي قبلها. ام من هو قانت اناء الليل ساجدا - [00:30:51](#)

هو قائما يا ايه؟ ها؟ يحذر الايه؟ الايه؟ اخره ويرجو ايه؟ الله اكبر دي مع ان تصرفون القلب فاق يا جماعة. القلب عرف ان فيه اخره يا اخوانا. القلب حس بجلال الله وبعزيمة الدار الآخرة - [00:31:11](#)

بعد كده للذين احسنوا في هذه الدنيا حسنة عمل واحد. البداية كانت عمل بس كان عمل صح. كثير مننا لما بدأ في الالتزام بدأ بدأ مشئت. بدأ مش مركز. بدأ عامل زي ايه؟ اللي قعد يقطف من كل شجرة اطفاية. ده ينفع في الاول. بتدوق - [00:31:31](#)

يعني اول ما تلتزم ينفع دوق دوق قيام دوق صيام اسمع الدروس كل درس هيكلكم عن عبادة دوق بس لازم بقى اولها تركز تركز زي ما قلت لكم كده المرة اللي فاتت آآ آآ ذو القرنين ربنا ادى له مواهب كتير قوي اتيناهم من كل شيء ايه؟ سببا. عمل ايه؟ اتبع ايه؟ سببا

ركز - [00:31:51](#)

في كل مواهبه في طريق واحد. حط كل امكانياته في حاجة واحدة بلغ مغرب الشمس. لف الكرة الارضية. فاول حاجة ايه العمل اللي انت تبدأ به مع ربنا يبقى ده هتبدأ بالعمل ده اوعى تفتكر انك هتقف عنده. ده سواب الحسنة ايه؟ الحسنة بعدها - [00:32:11](#)

فدخلت في القيام لقيت قلبك رق للصيام دخلت في الصيام لقيت قلبك مال للذكر. دخلت في الذكر قلت طب ده افضل الذكر تلاوة القرآن مركز في القرآن بدأت بس بتعلي على اساس. دخلوا في المرحلة الثالثة. المرحلة الاولى مرحلة يقظة القلب انا تصرفون. يحذر الآخرة ويرجو رحمة ربه - [00:32:31](#)

المرحلة الثانية مرحلة العمل الصالح المركز اللي في الاول اللي بدأ احسانك فيه يجيب لك حسنة وراه حسنة. ربنا يرزقك سواب وعمل ورب. فدخلوا في المرحلة الثالثة. المرحلة الثالثة دي خطيرة جدا بقى. يعني وربنا اثنى على - [00:32:51](#)

ده تلتين الاية الثناء على اهلها. والذين اجتنبوا الطاغوت نجيب الاية اللي قبلها الاول. والذين اجتنبوا الطاغوت ان يعبدوها ايه؟ كل ما طغى وصرف القلب عن الله. الطاغوت ده ممكن يبقى الطاغوت ده مش هبل ومناه يا جماعة. الطاغوت ده كل - [00:33:11](#)

حاجة خلت وجهة قلبك له مش لربنا. وانا بوا الى الله. مش الثاني بقى اللي هو دعا ربه منيبا اليه ساعة الزنقة بس. لأ ده فانا بوا الفاظ القرآن جميلة اوي يا جماعة. انا بوا الى الله ده احنا بنسميها ايه يعني ربنا يقول لك انا عبدي انا ب. احنا بنسمي انا ب دي ايه -

[00:33:31](#)

ايه؟ يتاب بنسميه التزم يقول لك الاخ التزم. الملتزمين والملتزمات. القرآن الفازه جميلة. مسلا اللي الورد عبادة سابت. لو السما لو حصل زلزال ما يقوم مش من مكانه في العبادة. ما فيش. القرآن ببسميه ايه؟ نعم العبد انه ايه؟ اواب. او - [00:33:51](#)

القرآن الفازه جميلة. تحببك في العبادة. يعني تخليك تكتشف جمال العبادة من اسم العبادة بس. مجرد اسم العبادة يوريك مالها ابويا يقول لك وانا بوا الى الله لهم البشرى فايه؟ فبشر عباد. الاية دي يعني لو واحد فهمها فقام - [00:34:21](#)

يعني مش عارف اجيب لفظ فرق قلبه من الفرح ما كان قليلا. عارف يعني ايه؟ يا ابني ربنا بيقول للنبي قل الملتزمين والملتزمات ابشروا. طب يعني ايه؟ يا ابني ما هو على حسب اللي بيقول لك ابشر يبقى قيمة الكلمة. يعني لو - [00:34:41](#)

ومسلا ايه اما كنت رحت دولة كده من الدول العربية كل حاجة عندهم ابشر. ابشر دي تعرف ان الموضوع مش هيخلص. لما يقول لك ابشرا ه والله. يعني ابشر دي تعرف ان هو بينيمك - [00:35:01](#)

المصيبة مش هيتعمل ابدأ يعني. فالواحد اتعقد من كلمة ابشر هناك. فجيت هنا بقيت لما ايه لما حد يقول لي ابشر اقول له بالمصري من ايه؟ من الدولة الثانية فابشر دي كلمة كبيرة اوي. فلما انا مسلا اقول لك ابشر. اه ده قال لي ابشر. لو واحد - [00:35:11](#)

عنده ملايين قال لك ابشر. يبقى كلمة كبيرة. طب لو رئيس الجمهورية قال لك ابشر. طب لو الله قال لك ابشر يبقى هيديك ايه؟

عشان كده ربنا بيقول لكم ايها الملتزمون والملتزمات ابشروا فبشر - 00:35:31

العباد مش النبي اللي بيقول لك ابشر. الله اللي بيقول لك ابشر. ايها المنيب الى الله. يا من التزمت بطريق الله. فبشر عباد ابشر ابشر

عايزين نقول لكل الملتزمين ابشروا. ابشر. سبحان الله! امبارح كنت بدي - 00:35:51

يعني الدرس بتاع انت اللي هو الدرس الاسبوع اللي على انت. يعني فكرت كده انت اللي قاعد قدامك ملتزمين وملتزمات على انت. فافتكرت قصة ست طالوت وجالوت سبعين الف سبعين الف دقن. سبعين الف ملتحي ومنقبة خارجين يجاهدوا في سبيل الله. هو

اللي هيقااتل العماليق مين - 00:36:11

سبعين الف ملتزم خارجين يقاتلوا ان الله مبتليكم بنهر. تلتمية واربعناشر واحد اللي ما شربوش. تلتمية مية واربعناشر واحد اللي يا

اما ما شربوش يا اما شربوا شربة واحدة بس. اما قعدنا نحسبها لقينا ان نسبة السبات نص في المية - 00:36:31

او تلت في المية. اقل من واحد في المية. قلت سبحان الله! الواحد مرعوب يا جماعة. ان احنا بعد الفتن اللي عدت علينا الفترة اللي فاتت دي تفوق تلاقي اللي فضل من الاخوة والاخوات نص في المية. لازم يا ابني تخاف على دينك. يا جماعة لازم تحرص على دينك -

00:36:51

لازم تفوق لدينك لازم تركز صح صح. عدد اللي وقعوا الفترة اللي فاتت مهول صحصح. صحصح ده ده انتم فاضلين الوقت دول

عاملين زي قولوا بقية. فبشر عباد ابشروا ابشروا ابشروا دي مش مني ده الله - 00:37:11

اللي بيقول لنا ابشروا. يا نهار ابيض! لو كلمة من ربنا كلمة ابشروا دي وقعت على قلبك! والله يا ابني ولا ولا الدنيا واللي فيها تساويها

اسمع بقى المرحلة الثالثة الذين يستمعون القول فاه يتبعون - 00:37:31

كون احسن. ده المستوى الثالث. فرينا بيسنى عليه وبيقول لك اولئك الذين هداهم الله. هم دول بجد اللي ربنا الهداية. واولئك هم

اولوا الالباب. هم دول الناس اللي بتفهم. عشان كده يا جماعة نخرج من كلمة اولئك هم اولوا الالباب قبل ما - 00:37:51

اشرح يعني ايه الذين يستمعون القول فيتبعون احسنه؟ ان الطريق الى الله مش عايز اخلاص بس. الطريق الى الله عايز ناس فاهمة برضو. عايز ناس عاقلة الاخلاص وحده لا يكفي. الاخلاص وحده لا يكفي. الطريق الى الله ممكن اخ مخلص. ويقوم يا عيني -

00:38:11

عايز احفظ القرآن. انا احفظ جزئين كل اسبوع. اول اسبوع يحفظ جزئين ثاني اسبوع يحفظ جزء. ثالث اسبوع ما يحفظش ويفضل

عشر سنين ما يحفظش اية. ليه يا ابني عقدتها على نفسك؟ يا ابني ده انت لو حفزت ربع كل اسبوع صفحتين. ربع كل اسبوع -

00:38:31

اسبوع هتختم بعد خمس سنين. بقى لك كم سنة ملتزم؟ فضيلة الشيخ معلش يا حبيب قلبي بقى بس يعني ان كم سنة اكتر من

واحد مسلا ايه كم سنة يا عم الشيخ؟ اربع سنين. حلو جدا. يا بي - 00:38:51

كم سنة؟ خمسة؟ مش عايزين بقى نخرج ان ناس ونسأل كل واحد انت حافظ قد ايه؟ ليه لو ربع في الاسبوع هتختم بعد خمس

سنين عشان كده بقول لكم يا جماعة ان الطارق زي الاخ - 00:39:11

انا عايز اقوم الليل انا هاصلي ساعتين في السلس الاخير من الليل. ساعتين ليه؟ يا ابني صلي نص ساعة بعد العشاء لمدة شهر لما

انجح خليها ساعة الاربعة بعد العشاء. لما تنجح خليها ساعة بعد العشاء. لما تسبت عليها شهر خليها نص ساعة قبل الفجر. او نص

ساعة الساعة عشرة بالليل قبل ما تنام - 00:39:31

لما تنجح يا بني واحدة واحدة. يا ابني الشيخ تامر شكري فين؟ اه الشيخ تامر شكري يقول لي كلمة دايمًا حلوة قوي اصله عارف ان

انا عجول يعني ها هو اهو ايه يقول لي دايمًا كلمة حلوة اوي. يقول لي يقول لي يا دكتور حازم درش درج. وعلى الله الفرغ -

00:39:51

يعني سلم سلمًا وربنا يا عم هيفرجها. بلاش نخلص الكرة الارضية في مرة. درج درج وعلى الله امبارح لسة قبل ما انام قاعد افكر

في الكلمة بتاعته دهرش درج وعلى الله الفرغ. واحدة واحدة يا اخوانا اهي دي بقى - 00:40:11

الذين يستمعون القول فاه يتبعون احسنه. يستمعون القول زي حضراتكم الوقتي كده واخواننا بقى اللي معنا تحت. يستمعون القول يعني يستمع ده مش يسمع. يستمع ده يعني ايه؟ يقطع ودانه. ركز - [00:40:31](#)

اما بيقتد في الدرس يديني ايه؟ بيركز ويستمعون ده ضمير ماضي ولا ضمير مضارع؟ مضارع يعني ايه؟ مستمر يعني على طول بيحضر دروس وعلى طول اسمع شرايط يعني مش آ مش الاخ بقى بعد سنتين من التزامه اول ما اخلص كتيب خمستاشر صفحة الاخ كبر. وبقي اكبر من انه يحضر - [00:40:51](#)

دروس. يا ابني ده انت لحد ابو بكر الصديق لآخر جلسة اداها رسول الله صلى الله عليه وسلم كان قاعد حاضر قدام النبي. ابو بكر اللي بقى خليفة بعده كان قاعد في الجلسة اليومية بتاعة النبي عليه الصلاة والسلام لآخر جلسة اداها في حياته. وانت لآخر يوم في حياتك هتفضل تحضر دروس - [00:41:11](#)

ولو بقيت شيخ هتفضل تحضر دروس. كان الشيخ يعقوب يقول لنا يقول لنا خلي لك ثلاث خطب تديهم وخطبة تحضرها. مهما بقى آ ربنا فتح عليك في الدعوة. لازم تفضل تحضر. لازم تفضل قاعد كده تسمع وتتلقى. فالذين - [00:41:31](#)

السامعون ديت يعني واحد بيحضر دروس ويبسمع شرايط ليه؟ لانه عايز يزيد يا جماعة. عايز يزيد. عايز دينه يزيد. يبقى ده انسان مشغول انه يزيد بس بيزيد بالعقل. الذين يستمعون القول القول بقى ده هو ده الكلام بقى. عارف اما اقول لك هو ده الكلام يعني الناس دلوقتي بعض الناس في الشارع - [00:41:51](#)

تيجوا تكلموا في الدين يقول لك باقول لك يا عم الشيخ مين قال ان انتم اصلا اللي بتتكلّموا في الدين ومن قال ان انتم اللي فاهمين اصلا واخذ بالك انت من الكلام ده في حين ان ممكن - [00:42:11](#)

اقعد قدام واحد علماني يتلقى منه توجيهات حياته. هو بيضيع نفسه. بس مش دي الاصل. يستمعون القول واحد معزم القرآن والسنة معزم القرآن والسنة هو ده الكلام. هو ده القول. الذين يستمعون القول فيتبعون. مش يستمعون فيستمعون - [00:42:21](#)

تكون مش يستمعون سم يستمعون سم يستمعون ما هو سمعنا واطعنا ديت في سمعنا واطعنا وفيه سمعنا وفيه سامعنا وسامعنا وسامعنا وسامعنا وما فيش حاجة ما فيش بعدها حاجة. ما تدورش هو سمعه وخلاص. عنده ارتفاع نسبة الكلام في الدم وخلاص ما يطبقش - [00:42:41](#)

احنا عايزين سمعنا واطعنا يستمعون فيتبعون. يطبق فوراً فيتبعون ايه تابعونا كل لا يتبعون احسنه. عارف يعني ايه احسن؟ يعني انت دلوقتي ممكن تيجي مسلا في درس زي بتاع المرة اللي فاتت. عقد عمل - [00:43:01](#)

عشر ذي الحجة صيام الزكر صلة الارحام آ فطر صائمين كل ده مش متوقع انك هتعمل كل ده. في المواسم طبعاً لازم الهمة تزيد عن غيرها شوية. ولكن عموم حياتك مش متوقع انك قعدت في درس سمعت خمسين - [00:43:21](#)

عمل صالح ده انت بتختار في كل درس ايه؟ احسن عمل يناسب زروفك ويناسب حياتك. شفت الفكر بقى؟ شفت شفت الناس دي هتزيد ازاى طوبة طوبة؟ شفت الناس دي هتعلّى ازاى واحدة واحدة؟ مع كل درس تخيل لو انت من يوم ما التزمت كل درس بتحضره بتدور على - [00:43:41](#)

عمل واحد بس فيه وتبدأ تطبقه وتسبته. كان زمانك فين الوقتي؟ كان زمانك فين؟ كان زمانك دلوقتي بقيت من اولياء الله الصالحين. لو كنت كل الشروط بتسمعه بتنقي منه عمل واحد بس يعني انت قاعد النهاردة يا ترى الكلام ده بقى كله اخرج منه بايه؟ تجديد النية في مواسم العبادة - [00:44:01](#)

ان انا قبل العشر وقبل رمضان انوي يا رب بازن الله هبعبك ايماناً واحتساباً في هذا الموسم. ويا رب لن قف عن العبادة بعد هذا الموسم. يبقى انت خرجت بحاجة في النية والنية ابلي من العمل. او مسلا وانا باتكلم كده اه انت خرجت بالعمل اللي - [00:44:21](#)

اللي يبقى بداية علاقته برنا انا لازم اركز في عملي. وابدأ به. وده يبقى اول طريقه الى الله. ايه العمل ده؟ اه العمل الفلاني انا ربنا فتح لي فيه يبقى عامل فيه. ممكن واحد تالت يقول خلاص انا قررت ان انا كل اسبوع لازم احضر درس. انا لا يمكن ما عدتش ابقى ممن يستمعون القول. وكل درس هأخرج منه - [00:44:41](#)

حاجة واحدة مش هاكربس الدين على نفسي. لن يشد الدين احد الا غلبه. اوغل فيه برفق اوغل بس برفق. واحدة واحدة تلاقي نفسك وصلت للآخر كل ما اسمع شريط او احضر درس هاطبق حاجة واحدة زودها في حياتي. فتخلوا الناس دي بقى ايه درج درج.

00:45:01 طلعوها سلمة سلمة -

كل اسبوع يزيد عمل. كل درس يزيد عمل. كل موسم عبادة يزيد عمل. كل رمضان يخرج منه. اخرج لي من رمضان بعمل واحد. اخرج تجلي من عشر ذي الحجة بعمل واحد زيادة. انا مش عايزك بعد عشر ذي الحجة تقعد جلسة الضحى وتقوم. وتصوم آآ كل انا عايزك

00:45:21 تخرج من عشر ذي الحجة -

عمل واحد تعاهد ربنا انك هتسبت عليه. تخيل بقى لو رمضان خرجت بعمل وعشر ذي الحجة بعمل. ورمضان السنة الجاية بعمل.

ورمضان السنة اللي بعده بعمل وعشر ذي الحجة اللي بعده بعمل. بازن الله ان ربنا احيانا. وكل درس حضرته في الاسبوع

خرجت بعمل. يا ابني ده انت في خلال سنتين هتبقى ولي من اولياء الله الصالحين - 00:45:41

وممكن اقرب من هذا. يبقى يا جماعة سورة الزمر مدياك الطريق. فدخلوا في المرحلة الرابعة. ضرب الله مثلا رجل رجلا فيه شركاء

ايه؟ متشاكسون كل سورة الزمر بتتكلم عن نقطة واحدة. اللي متقطع تحت ما بين - 00:46:01

وجهة واللي موحد وجهته على الله. صورة مهولة. يعني فعلا انت لو قمت الليل بها كده وركزت في كلمة كلمة. هتحس انها سورة الا

لله الدين الخالص. ما فيش حاجة في قلبك ولا في نيتك غيره في اي عمل. فاعبد الله مخلصا له الدين. قل - 00:46:21

اني امرت ان اعبد الله مخلصا له الدين. وامرت ان اكون ايه؟ اول المسلمين. دايم يا جماعة من الاخلاص انك تبقى الاول ليه؟ اصل

المرائي دايم يبص الناس عملت ايه؟ اه ده ده لما عمل العبادة الفلانية اتصيت. كله بص له. يقوم ماشي وراه. فدايم - 00:46:41

المراقب يبقى ماشي في الدين. اللي ماشي في الاول دايم ده الايه؟ المخلص اللي ما يببصش لحد. فبيسبق ديت. فبيبقى سابق كل

اللي حواليه. عشان كده من سمار اخلاص التميز والصدق. لان المخلص ما يببصش الناس بتعمل ايه. المخلص ببص ربنا يرضيه

وبيجري. ايه اللي يرضيك يا رب ويجري - 00:47:01

فدايم ببقي الاول. وامرت لان اكون اول المسلمين. قل اني اخاف ان عصيت ربي عذاب يوم عظيم. بعد ما بيقول اول بيقول اخاف

ان عصيت رب عذاب يوم عظيم. مهما عليت في الدين لازم تفضل تخاف من ربنا. ده اللي انت بتبقى عامل زي اللي واقف على سقالة.

طلع في الدور الخامس - 00:47:21

شفت حوايلها حاجات كتير. طلع في العاشر يشوف اكرر. طلع في العشرين يشوف اكرر. انت كل ما بتعلى بتشوف زنوبك اكرر. كل ما

بتعلى بتشوف معاصيك اكرر بتشوف تفسيرك اكرر ضرب الله مثلا رجلا فيه شركاء متشاكسون متقطع ما بين - 00:47:41

ورجلا ايه؟ ايه؟ الله! الله اكبر! يا رب اللهم اجعلنا منهم ورجلا سلما لرجل. عارف اما اديك ايدي كده سلمت لك امري. لا عاد بقى يعني

شوفوا المراحل مرحلة اليقظة. يحذر الاخرة. يا نهار اسود! انا هاعمل ايه في القبر! هو الليلة في القبر! ويرجو رحمة رب الجنة!

هاجيب تمنها ازاى! ان تصرفن - 00:48:01

مرحلة اليقظة. المرحلة الثانية انه بدأ يدوق الدين يدوق يدوق يدوق وقام مركز في حاجة. ده العمل اللي هيفتح به بربه

وطريقه الى وطريقه الى ربه. بدأ يركز في عمل. فبدأ كل ما يعمل عمل صالح ربنا يدي له ايه؟ يفتح له باب عمل تاني - 00:48:31

فبدأ يدخل في المرحلة الثالثة اللي هي مرحلة ايه؟ الذين يستمعون القول فايه؟ فيتبعون احسنه. فعرف انه من غير علم عايزين

وهيجيب علم الفضائل منين وعلم ما يرضي الله من الدروس الدينية والايمانية والجلسات الايمانية فبدأ يرتبط بالدروس بدأ يرتبط

بسماع الشرايط - 00:48:51

وكل ما يسمع حاجة يخرج بحاجة. حاجة واحدة. عشان كده ربنا قال واولئك هم اولوا الالباب اهو. يعني لعل من الحكم واولئك هم

اولوا الالباب عاقل يزيد ازاى؟ عارف يزيد في المواسم اعمل كل حاجة. انما بعد الموسم اختار حاجة بقى وركز عليها. عشان كده يا

جماعة آآ يعني سبحان الله فيتبعون - 00:49:11

سنة ده واحد مشغول بايه؟ تحسين مستوى دينه. الكلمة دي بتفكر في الدنيا باللي مشغول بايه ايه ايوة سماحها اهو. تحسين

مستوى دخله. يقول لك انا والله رحت اعمل شغلانة تانية بعد الظهر. ليه ؟ احسن دخلي - [00:49:31](#)

اصل انا جاء لي عقد عمل برة ليه احسان داخلي؟ ففي الدنيا عشان كده ربنا سبحانه وتعالى يقول لك للذين احسنوا في هذه الدنيا حسنة وارضى الله ايه الله اكبر. ربنا بيقول لك هو ما انتاش عارف تعبد في بلد روح بلد تانية اعبد فيها. هو يا جماعة الناس بتسافر من دولة لدولة عشان ايه - [00:49:51](#)

عشان ايه ؟ عشان عقود العمل ايوه. عشان عقود العمل. طب لو واحد قال لك والله انا مسافر الخليج مسافر ابو ظبي. قلت له ليه قال لك والله اصل في هناك صحبة صالحة كده في مسجد من المساجد. هاروح اعبد ربنا جنبها. هتقول عليه ايه؟ سلامتكم يا ابني هاتوا لي ترمومتر يا ابني شوفوا ده سخن ده ولا ايه - [00:50:11](#)

انما والله انا مسافر انا مسافر كوالالمبور. ليه؟ عقد عمل ربنا معك. ربنا يأيدك. ربنا فايه يا عم في ايه ؟ لو دخلت على مسلا عيلتك مسلا ولا اي حد قريبك ولا اي حد. ايه يا عم اتأخرت ليه ؟ اصل انا والله كنت في الشغل - [00:50:31](#)
لا اجيبها لك من سكة تانية. يعني لو انت مسلا واحد بيقول لك انا عايزك بكرة في كزا. قلت له والله اصل انا ورايا شغل. اصل انا ميعاد الشغل بتاعي من تمانية لاتنين مسلا. يقول لك ربنا يوفقك. لا لا لا - [00:50:51](#)

ازاي؟ حقك يا عم ما ينفعش خلاص ما تجيش حتى لو مات بلا ضرر. قل له والله اصل انا عندي ورد عبادة في الوقت ده. ايه؟ اصل انا ورايا ميعاد مع ثلاثة مدعويين هكلهم على - [00:51:01](#)

ربنا نعم يا اخويا! انت بتقول ايه ؟ يا جماعة سورة الزمر بتتكلم عن اللي مشاعرهم تجاه الاخرة بقت زي مشاعر اهل الدنيا تجاه الدنيا. اهل الدنيا بيسافر من دولة لدولة عشان عقد عمل ده بيسافر من دولة لدولة - [00:51:11](#)

كان يعرف يعبد ربنا. اهل الدنيا يتبعون احسن مشغولين بتحسين مستوى دخلهم. ودول مشغولين بتحسين سوا دينهم مشغولين بتحسين مستوى عبادتهم. مشغول لا الصلاة ديت ما تليقش بجلال الله. انا عايز صلاة احسن. انا عايز - [00:51:31](#)
صيام احسن لا لا لا جلسة الضحى النهاردة ما كانتش كويسة. انا عايز جلسة ضحى اخشع. لا لا لا لا لا. قيام الليل ده مش آ لا لا لا مش ده امان هو قانت مش ده القنوت بقى اللي ربنا اتكلم عنه في قيام الليل. انا عايز قيام ليل اكفاً. طب ازاي اكفاً؟ اه يبقى انا عايز اركز في الدعاء - [00:51:51](#)

اكثر ما ربنا يفتح علي. يبقى انا عايز اركز في آآ تعلم فضائل العمل الصالح ده اكثر. يبقى انا عايز اجتهد على قلبي بكثرة تلاوة القرآن اكثر. عشان القلب عيش مع ربنا في العبادة اكثر. ده واحد ده قضيته في الحياة يا جماعة. فدي المرحلة الثالثة جت المرحلة الرابعة ورجلا سلما لرجل - [00:52:11](#)

ما عادش بقى يتبعون احسنه بيزيد آآ العمل احسنه العمل اللي يناسب زروفاك يعني مش احسنها اللي هو اعلى عمل فيهم. كل الاعمال الصالحة عظيمة العمل اللي يناسب ايسره عليك. اسهل بالنسبة لك. اكثر عمل قلبك اتفتح له. اكثر عمل حسيت - [00:52:31](#)
ان فعلا العمل ده قلب صدرك انشروع له. فبعد كده رجلا سلما لرجل ده سلم ايده للشرع وقضني بقى شرع الله. ده بقى مسلم في طريق ربنا فدي مرحلة الانطلاق. اللي وصلتهم للمرأة الحالة الخامسة. وهي قول الله ايه - [00:52:51](#)

حتى اذا جاءوها فتحت ابوابها. حتى اذا جاءوها وفتحت البخاري خلاص المرحلة السادسة ايه بقى ايه ما هو ماشي حتى اذا جاؤوها وفتحت ابوابها وقال لهم خزانات وسلام عليكم طبتهم فادخلوها خالدين وقالوا الحمد لله الذي استطاع وقاعددين بيزغرتوا من الفرح. المرحلة السادسة لو حد بقى زكي - [00:53:11](#)

ايه؟ انا مش سامع يا جماعة المرحلة السادسة من الصورة. لهم غرف من فوقها غرف المرحلة الخامسة على باب الجنة اتفتحت له الابواب التمانية. المرحلة الخامسة ايه بقى؟ النعيم جاي له من كل جهة في الجنة. مش احنا من دلوقتي قلنا ان - [00:53:41](#)
الصورة اغلقت على باب الجنة. انما بعد ما دخلوا الجنة مذكورة فين؟ مذكورة في نص السورة في اول السورة يعني. لهم غرف من فوقها غرف النعيم كيلهم من كل جهة. من غرف ده كلام يعني كلام يخلع القلب. يخلع القلب شوقا للجنة. لهم غرف من فوقها غرف ايه

- [00:54:11](#)

فبنية يقول لك السجادة تروح لمحل سجاد كبير. تقول له السجادة دي بكام؟ يقول لك بربعمية جنية. وتلاقي السجادة جنبها زيتها.

تقول له دي بكام؟ بيقول لك دي بسبع تلاف جنية. ايه يا عم سبعتلاف - [00:54:31](#)

دي زي دي. يقول لك لأ ده ديت مصنوعة بالة. انما دي هاند ميد. ده دي صنع يدوي. ده دي حاجة تانية. دي الفتلة تساوي فيها. مبنية تخيل بقى يعني سبحان الله كلام يعني وراءه كلام. وكلام وراءه معاني. آآ المهم يا اخواني في الله ان احنا يعني عشنا مع -

[00:54:41](#)

معنى خطير جدا في حملة آآ عشر ذي الحجة اللي احنا بنحاول ان احنا يعني بازن الله سبحانه وتعالى نجاهد الى الله سبحانه وتعالى في فكان النهاردة الوقفة مع النية. كل اللي اتكلمناه قبل كده في اي درس لي كان معنا في المسجد اللي كان معنا في الليلة

التربوية للي معنا على - [00:55:01](#)

الت لي معنا في الورقة اللي وزعت الجديدة بازن الله. كل ده العمل في العشر. الوقتي بقى سبحان الله النية في العشر. ايه هي

النية؟ ان تنوي اني ساعبدك يا رب. عباد غير موسمية - [00:55:21](#)

فلن اتوقف عن عبادتك حينما ينتهي العشر. اه مش هعبد بنفس الدرجة بس لن اتوقف عن العبادة. انا يا رب مش هعبدك في والضراء لأ انا يا رب مش هعبدك في الضراء والسراء لأ انا يا رب مش هعبدك في زروف وزروف لأ انا يا رب مش هقف على بابك وباب غيرك -

[00:55:41](#)

انا يا رب ما نشت. سبحان الله العظيم! كلامنا ما فيش. اياك نعبد بس واياك نستعين توحيد العبادة وتوحيد الاستعانة. ما ليش باب غير بابك يا رب دي في اول القرآن. اياك نعبد واياك نستعين. ان ما ليش هدف غيرك. اياك نعبد. ما ليش وسيلة غيرك. اياك نستعين.

وفي اخر القرآن قل هو الله احد نفس المعنى - [00:56:01](#)

ما فيش هدف غيرك والله الصمد ما ليش وسيلة غيرك. ما ليش طريق غيرك. ما ليش باب غير بابك. فانك تنوي انك انت انك لن تكون

موسمي في العبادة. انا مش جاي اخذ خطوة وامشي. انا جاي ومش ماشي. انا جاي ولن اغادر الباب مراتي - [00:56:21](#)

اخرى يا رب اللي هيعبد ربنا بالنية دي كل عمل صالح هيعمله في العشر تيام هيبقى زق لقدام. هيبقى زق في ترسيخه في العبادة فيما بعد عشر ذي الحجة. ربنا يوفقكم يا اخواني وربنا يسددكم. وربنا يحفظكم. سبحانك اللهم وبحمدك اشهد ان لا اله الا انت استغفرك -

[00:56:41](#)

- [00:57:01](#)